

Uktuqtughajutit tikitinagu Ubluirvia 31, 2023. GN-kut ihumagilimaitait uktuutit kinguani uuma ublup.

Hunanik ikajuutighanik titiqqanik ihariagijaqaqqik?

Itquumajumik maligatigut nanminiqagtutit iglumik uvani Qitiqqautijug 1, 2023. Ilaliutilugit qujaginaq **atauhiq** hapkuninga titiqqanik uktuutingnun itquumadjutighat:

- Aadjiliuqhimajuq Naunaitkutaq Atianik (piinarialik GNkut Nunatigut Atiinik Havagvanin)
- Aadjiliuqhimajumik nutaamik Nanminiqautikkut Itkaptaaksiitigut Ihivriurutinik
- Aadjiliuqhimajumik nutaamik Nanminiqautikkut Itkaptaaksiitigut Akiligahanik

Piqangitkuvit kitunik titiqqanik, piqariaqaqtutit haamlatkukunin naunajaumik unaluuniin maniliqiliviinin sainiqhimajumik uktuutingnun titiqqanun tutqighariangani maligatigut nanminiqagtutit iglungnik.

Qanuqtut tujungniaqinga uktuutiniik?

Tujuqtaaqtatit uktuutitit ukualu ikajuutit titiqqat aalakiikkut:

Qaritayaliqinikkut: [hamani](#) (Ilihimalutit: qaritaujakuuqtitilutit itquumajumik nanminiqarnikkut titiqqanik qaritaujakuurutikkut ataani)

Qaritaujakuurutikkut: homefuelrebate@gov.nu.ca

Titiiqivikkut: 2023 Iglunik nanminiqagtut Urhuqjuakkut Utirutit
Itkaptaaksit Qulangnaijautillu, Havagvanun Maniliqijit
Nunavut Kavamanga
P.O. Box 2260, Iqaluit, NU X0A 0H0

Upautiluni: Nunaqaqtut Iqalungni, Iqaluktuuttiami, Kangiqlinirmi, Iglulingmilu agitijaaqtait inmi uktuutitik hapkununga nunamingnii GN-kut Kiinaujaliqijitkut havagvanut. Aallani nunallaani, Kavamatkut Kivgarijainut Havaktit ikajuqtaaqaahi.

Qanuriliuqniaqqa tunihiguma uktuutikhamik?

GNkut Maniliqijit havaktiit ihivriungniaqtait uktuutitit qajagijumik tutqighariangani ihuaqtut qanuriniit. Hivajaqlutit qiniqhianirmun ilaliutihimajunik kangiqhidjutinik tutqighariangani uktuutit.

Kiinauyaliqiyitkut havaktiita naamagikpatik pijaarnirit qanuriniit, tunihiniaqtut akiliumiamik. Tunilimaittut akiliumiamik taimaa.

Qanuq akiliqtauniaqqat?

GN-kut tujurniaqtut maniliuqhimajunik pijaaqtunun tunijaujut najugaktut tunihimajaitigut uktuutitit titiqqani. Pijaaqtuq iglumik nanminiqaqtuq GNkuni havaktiugumi, akiliqniaqtavut akiligahat haffumuuna GNkut akiliumiaqvikkut auladjutaitigut humi pijariaqaqqat.

Qakugu akiliumiaghara piniaqigut?

Havakniaqtugut havaklugit uuktuutit qilamik. Niriuktugut **hitamanik havainirnik** ubluitigut piguptigit iniqtiqhimajut uuktuutit humi tunijaujuq akiliqtaujuq inmi utirutitit.

Qujaginaq ihuinaaqhimajut, ihuaqhaqtauhimajut uuktuutingnun tuliirutauniaqtut akiliuhiagharnun. Qaffiuniit uuktuutit pijavut, hivituniit titiqivuurutit maniliuqhimajut, ukualu GNkut akiliuhiatigut atugahait pidjutauniaqtut hivituniinun pijaangani akiliuhiaghat.

Hunat aalat maligahat atuqtaujughat?

Ikitut aalat titiqiqinikkut maligahat atuqtauniaqtut. Uuktuutigilugu:

- GN-kut tunilimaikkut avatqulugu atauhiq akiliuhiaghaq atautinun nanminiaqqtunun.
- GN-kut tunihilimaikkut avatqulugu atauhiq akiligahaq atautinun inungnun, nanminiqaraluaqtilugit amigaitqijaanik atauhip iglup najugait nanminiqtik.
- Atautit kitut nuuhimajut Nunavunmin pilimaitut Utirunmik.

Kia havaktait Utirutit?

Havagviat Kiinaujaliqijikkut havaktait Utirutit, naunaijaqhugit auladjutinun pijaghat aghuuqhaidjutit maligahat, havakhugillu ihumaliurutit atautip pijaarutait.

Ihumaliurutait Kiinauyaliqinikkut atangujait munarijait ilaujut attautip pijaangnirit, uuktuutit uvalu aalat ubluni ublunun auladjutit iniqtiqtaujut.

Iglumik atuqtunga kihimi akiliqhivaktunga urhuqjuat akiinik. Pinaqqik?

Imanaq, una Utirut piinarialik iglunuk nanminiaqqtunun Nunavunmi.

Munaqhijunga uvalu akiliqtuijunga urhuqjuakkut akiinik qujaginaq igluqaqtunun. Pinaqqik?

Una Utirut piinarialik hapkununa iglunuk nanminiaqqtunun kitut najuqtaa iglu. Takupkaijaaruvun nakugarijat iglu nanminirijat, akiliqtuqtitigaluaqlutit igluanik, pijaaqtutit Utirunmik. Akiliqtitiguvun atungnirmun iglut humilu najugaqaqtutit, pilimaitat Utirun.

Tadja niuvirahuaqtunga iglumik Nunavunmi kihimi nanminirilimaitara kinguani Qitiqqautiyuq 1, 2023. Pinaqqik?

Imanaq, attautit kitut maligatigut nanminiaqqtut najuqhugulu nanminiqtik pijaarnirmun ubluani (Qitiqqautiyuq 1, 2023) pijaaqtut tunijaulutik haffuminga Utirunmik.

Nanminiaqqtunga iglumik Nunavunmi kihimi nuutunga hilataanun aviktuqhimajup. Pinaqqik?

Utirut piinarialik Nunavumiunun. Pittaarungnarhivutin Utirunmik ahianiitkuvik hilataani aviktuqhimajup kihimi pihimajutit iglunuk (uuktuutigilugu, nuuhimaguvun tadjakaffuk ilihariaqtungnirmun). Nuuhimaguvit najugaqarungnaiqtutit Nunavunmi, pilimaitutit Utirunmik.

Humi ilitturihijuummiqtaaqqinga?

Qaritaujakuuqtitulutit uvani homefuelrebate@gov.nu.ca hivajaqlutiluuniin akiitukkut uvani 1 (800) 316-3324.